



✕
9 3

學思齋存稿 詩 三

490.289
Od
3

No. 1556
23



富士川文庫

450

周氏
杏庭

學思齋存稿

客中寄懷北越河本善夫兄弟

無林松亭
世貞書

金蘭交契誓他年，別後音書奈杳然。旅夢空懸東海月，鄉
心徒向北山天。杏花林裏連雙壁，棟莩樓中着兩賢。巴調
裁來將寄爾，白雲遙隔路三千。

同前寄河本天爵

十載風流翰墨林，豈留一別隔商參。杜鵑聲破三更夢，鴻
雁書傳万里心。樓敞武城明月滿，臺荒越嶺白雲深。故人
久絕瓊瑤贈，不惜臨風寄好音。

送松崑園密歸南總三首

江城七月送君還，為餞胡姬酒肆中。莫厭今宵十分醉，扁

無公詩集卷書

詩集卷書

舟明日是鄉關

馭樹蟬^色照晚寒一樽臨別醉相看坐中更有將歸客橫
笛休吹行路難

江路悠^悠第^第發程布帆無恙向南行城中昨夜秋風起好
就鱸^蓴故國美

辛巳孟春將歸鄉留別社中諸子

十年裘馬異鄉春此日歸裝省老親應識江東花發日
州朔雪正翻銀

昌平橋別阿達真一

孤驂惜別水邊春垂柳館愁離恨新再來東武終移寓却
折青枝送故人

夢後得一絕

身占廣寒宮裏清數竿夏玉忽驚醒月光仍舊依然在夢
後夢中一樣情

春日與社中諸子遊墨沱得瀾字

一帶長川送晴瀾春風解纜客心寬長堤十里花如雪總
作江都第一看

夏夜有感

孤館青燈岵馭間前山雨過白雲還子規喚起三更夢月
暗故園万里山

梅花

雪凌冰勵伯夷清况復幽香暗裏生誰道三春桃李好梅

花千古獨擅名

惜花

狼藉^飛花處、同點溝纏閣白兼紅、憑誰牽掣東君手、二
十四番緩放風、
竹杖閑行西復東、滿城放出百花紅、賞春莫賴十分好、昨
日閑花今日空、

山櫻午睡

欄外高峯逼碧空、傲然脫帽睡松風、城中日午如蒸熱、一
點不容到其中、
百步高樓架半空、午天驟雨送涼風、主人不識人間熱、曲
肱長眼碧簾中、

到新水村塗中作

爽然曉氣豁吟情、山色如籃水色清、長夏北陸春尚在、林
間駐馬聽嬌鶯、

秋夜二吟

兀兀醒來坐五更、幽窓雨歇月光明、客身何耐秋蕭瑟、落
葉聲中過雁聲、

漏籌知幾更、窓紙月初生、逕遶泉聲遠、門深霜氣清、香烟
沈亦起、灯火暗還明、孤枕夢醒後、蕭然聽雁聲、

携社友登村東城山

十日陰天一日晴、乘晴竹杖試山行、眼前好景君看取、曲
河如練一道平、

喜晴得雪字

草堂無奈寒凜冽、閑坐爐邊煮雀舌、乍喜吟窓添景光、新晴畫出滿山雪、

早晨赴江西

整裝曉發筑川東、月落星稀冷北風、咫尺溟濛總匪辨、只聞驚浪送烟中、

梳也翁携大黑天画幅來請贊

万室收藏一布囊、人稱福壽海無量、從斯像一歸君手、長為子孫護蕃昌、

魚田川馭作

匹馬揮鞭飛足地名東、兩崖哈呀冷溪風、叱馭來三十里、

身落深山古驛中、

丁未新春醉後走筆

曉曉鷄三唱報昌辰、百道街衢歛舊塵、風穩柳條展青眼、日暄梅朵動紅唇、東隣雅會絃歌沸、西舍芳筵談笑頻、莫道先生寥落甚、醪酥一醉足迎春、

湯吟

小築^牙青春塵懷頓覺伸、數竿竹移翠一朶梅呈新、酣醉聊乘興、放言湯鼓唇、寧為折肱客、不為折腰人、

丁未冬頗暖氣候如春偶得一律

風軟霜又薄、暄暖幾經旬、雀舌不知凍、梅魂全返春、一瓶茶排睡、半壺酒貪忘、賴有箕裘業、衡茅寄隻身、

酬岡田雲洞見寄二首

疎懶常慚詩債頻，欲醉佳作意姑振。
知音莫笑無伎倆，冷眼看來有幾人。
人生離合似浮泡，幾度思君拭兩眸。
寄語男兒無空死，唯期千歲功名流。

和岡田雲洞遊湯沢作四首

磴轉橋通一蹊山，田園谷暗氣淒淒。
窓容日午何所聽，鳩婦林間喚雨啼。
烟霧霏_二埋蘚蹊，山櫻雨零有餘淒。
酒醒夢破天將暮，隔谷愁猿喚子啼。

碧樹青山在榻前，隔蹊流水送溪溪。
先生多事人知否，日

決研泉注紙田

飛鳥奔雲過眼前，峯峦崒崒水溪溪。
分明一卷真畫塵，論說何須煩石田。

和雲洞常樂寺書畫會席上作二首

丈山尺樹淋漓新，寸馬分人皆逼真。
臨練筆下風雲起，一揮壓倒滿堂人。

黃秘倪蘊寫出新，南宋衣鉢早傳真。
誰知意匠心機妙，不

用前寄荅何笠禪師

雙鯉寄來字，新解封復見平生。
真誰畱北陸與東海，互作瞻望翹企人。

寒梅二首

憐而孤根先象芳，侵霜冒雪試春粧。
朔風吹斷溪橋畔，數朶寒葩吐暗香。

清標不與百花同，侵凍優閑白雪中。
獨當群芳魁典殿，一枝占斷一番風。

和松浦意鄉山望作

終日倚牕酒滿傾，詩詞百出似雲生。
山如太古人如水，相對堪誇神韻清。

正月五日即目

飽貪韶景對青樽，已見西山霞色翻。
更有新奇可珍重，一彎纖月印黃昏。

題雪江晚釣圖

晚風吹雪織寒空，策笠小篷西復東。
誰識漁翁垂釣意，生涯樂事一竿中。

與茨山東峯諸子同飲孤月樓松原氏別莊

灑灑函樓絕市塵，山光水色自然新。
魚川烟淡柳如黛，駒嶽雲寒雪似銀。
夜迥金爐香篆斷，宴酣彩紙点毫頻。
更憐一片晴空月，明鏡倒懸照主賓。

湯谷道中作

湯谷蕭然魚水東，危橋石瀨路終通。
懸崖霧霰春鮮飛，瀑湍塵雲收冷曉。
夙山繞千里林樹外，身行一幅畫圖中。
吟哦不覺踏攀險，唯訝輕昇到碧空。

乙未元旦

鷄聲喔々曙光催，初日緩昇霞色開。和氣逐寒堅冰歿，新陽釀暖惠風回。細腰支展池塘柳，紅臉唇濡江畔梅。棄物幸逢聖明世，三朝笑對展蘇杯。

春日偶成

村學先生未必貧，衡門拳盞迓青春。弃枝豈有徵求累，詩癖唯欣節物新。抽雪玉條將引鳥，竈烟金縷偏媚人。一醒一醉姿吟樂，真是太平一散民。

送岡田雲洞遊田城

田城競爭秀流之奇，城北起第一。

石路蒙回山又川，莢重林樹入蒼烟。露沾杖履秋分後，風拂衣裳霜降前。亂水穿雲送迷壑，瀑泉飛沫掛青天。遙知

君到田城日，不讓桃花洞里仙。

席上贈不琢師

知己如今獨有公，相逢忽覺坐春風。玄譚誰敵緇林傑，操筆俱驚^驚執苑雄。宦嶺經繙具多業，箕山結社白蓮叢。傳燈早已屬君子，正是從前長養功。宦嶺箕山皆師嘗說法處。

山馭早發二首

十里早行霜氣清，尚留落月半輪明。峯巒幾劈迷雲起，林樹時擁宿霧橫。獨木橋危石泉咽，重苔迳滑馬蹄驚。前途村落知非遠，處處棲鷄送曉聲。

暗霧蒼茫天未明，風涼如水着人清。露沾衣袂知林近，馬躡途岐認石橫。平素空懷泉石癖，即今方報許王情。東方

忽見層巒上，雲色輝。旭日生。

登大觀樓

百尺高樓壓岸開，捲捲簾海面望奇哉。裁掠空鳥向三崎去，作
幻雲圍金北堆。壽瀉倒玉山坤軸撼，風翻雪陳千檣回。欲收
眼界無量景，極興更傾三百杯。能登三寄浦，仇渡金山，皆屬于一望。

登米山

吟筇數負米山約，却向梅天試一揮。絕頂怪看晚來雨，霏
、倒突大空飛。

赤土嶺望北海

赤土崢嶸嶺勢豪，踏攀路險似蹶刀。羊腸盡處回頭望，雲
際渺茫北海濤。

梅花

幽艷芳姿絕点埃，此花真是百花魁。東風每向溪頭度，春
色偏向江畔回。嫩萼雪收暗香散，南枝日暖玉顏開。吟床
最好黃昏月，疎影橫斜上牖來。

姿津口号

群鴉啼散夕陽寒，滿目蕭々渡口間。古木竈烟懸絕壁，怒
濤飛沫送凶灣。社節垂_社日風猶冷，春到春分暖未還。薄暮
舟中回首望，凍雲埋却四邊山。

中山道中

千里遨遊今始回，無邊光景望奇哉。信南層巒拂雲起，毛
北尖山裂岬來。馬上援毫小詩就，野店賒酒旅愁開。此中

興味誰人了，遮莫夕陽醉裏頽。

歲晚述懷

日月川流歲將盡，閑人又與世間忙。無聊人事纏晨夕，莫逆交遊隔瞻望。須把一杯洗煩開，好焚殘燭讀蒙莊。半生兀兀成何事，啗指一層鬢上霜。
寒飢徹骨意昂昂，藁價終支日。糧五子一妻遶爺泣，終年奔走為渠忙。

戊申春日偶成

明時守小枝，枉稱四中民。身健勞忘勞，心恬貧任貧。醉醒頻餞臘，吟嘯穩迎春。雖在塵囂底，不妨葆我真。

余屢往還中山道，災後不出都三年。今茲復過大官

片柳諸村途中書喜

雨後晴光一望新，首冬風日暖如春。繞邨楓樹紅飄錦，壓岸蘆花白散銀。得意江山無非舊，忘機魚鳥自相親。眼中景物皆清絕，洗却三年城市塵。

過戶田渡

一帶奔流兩岸蘆，花欺雪浪噴珠長堤。回頭夕陽外，天末蒹葭數雁呼。

宿大官馭白田亭

孤枕青燈夜寂然，撲窓木葉喚回眠。起來領得山亭趣，月滿中庭霜滿天。

嘉永己酉，余年五十一，眼昏齒豁，殆如耳順人，而一

事無成不堪慨然

年光代謝逐昏晨，倏爾經過五十春。
窮路文章多激切，醉鄉詩句句發天真。
囊中錢共殘臘盡，鏡裡同春雪新。
侂輩如今皆顯貴，羞吾碌碌老風塵。

壽九江本間翁七十初度

胸衿落落似蘇仙，藝苑訂盟幾許年。
載酒江山醉凡月，携筇邱岳弄雲烟。
一篇新著人爭覓，半牘揮毫世共傳。
願得庚籌添海屋，年年春酒繼斯筵。

寄懷新井白水卜居於玉池

林泉高致厭囂塵，問地移棲逐隱淪。
耻為風塵屈腰脚，要脩道義養精神。
詩文價入漢唐域，學術遙傳鄒魯真。
早晚

此生脫羈絆，玉池夕上去為隣。

庚戌歲除

清閑不與世間同，書劔蕭然陋巷中。
灯下獨斟分歲酒，擬呵凍賦留窮筆。

送芳叔果之駿州二首

文章學術吾黨魁，藉名聲世共推。
杖劔驚君豪氣熾，分衿耻我壯心灰。
凡霜侵骨函關路，鴻雁攬眠駿海隈。
慷慨勸杯歌一曲，樽前莫厭玉山頹。

道：驛路幾山河，森戟按行西出關。
堪償男兒四方志，爭為女子別離顏。
洪濤怒處憑舷咏，峻嶺蟠邊任馬攀。
載筆兼收山水勝，雄篇巨什滿囊還。

咏星岳富永君遊墨水作

景物推遷難少留，
趁晴好去作清遊。
勝情每在不期會，
高興翻於無意求。
七種殘花猶駐客，
滿林霜葉欲燒舟。
歸程重程江樓上，
憑欄飽觀牛渚秋。

壬子元旦

臍膊聲中春意動，
濃霞淡靄睡眸間。
風味嫩綠稍歸柳，
日暖微紅忽入梅。
但喜群兒比肩長，
何愁白髮滿頭堆。
一家無恙迎新歲，
好把青樽洗舊埃。

壬子除夜

窮陰看欲盡，
萬感湧難收。
潦倒違初志，
蹉跎歎白髮。
建茶却妨睡，
魯酒不整憂。
獨坐青燈下，
數更到五籌。

癸丑春興

和氣東來早，
滿城風物新。
暖消四山雪，
雨潤六街塵。
送臘俗纏少，
迎春懷抱伸。
直回小舟去，
欲問墨江津。

春日寄長兄小杉蘿齋

歸鴻喚過夢回時，
萬里鄉關不勝悲。
何日共斟一樽酒，
昨非庵上和墳荒。

寄懷河本天爵

道骨仙風垂七旬，
羨君雙鑠保天真。
一塵不到畫禪窟，
占了三山五嶽春。

寄懷何笠師

禪臺寂歷凍雲絨，
風雪滿山壓檜杉。
料識高僧無一事，
繩

床趺坐誦萃巖

寄懷岡田雲洞

津張地名春色近如何，遙想高堂勝事多。
雪零千峯映簾幕，霞收長水入樓斜。
楸枰會客排閑悶，吟榻開樽且醉歌。
乘興時揮輞川手，毫端落處簇烟波。

春日感懷

賣藥為生六十春，等閒白髮伴清貧。
詩將小枝誰枝稱仁術，我願寸心存活人。
學業夙期洙泗道，隱倫欲逐柴桑倫。
老來未了買山志，猶蹊紛陌上塵。

春日述懷

從他鄉為故鄉，一家生理寄青囊。
和氣猶沸胸中熱，春日難消髮上霜。
老去空持舊時志，醉來乍憶少年壯。
爐灰撥盡蒲團冷，獨對殘樽轉斷腸。

墨江觀櫻花二首

偷得忙中半日閑，飄然來到墨江灣。
頭花柳春如錦，舟在紅波綠浪間。

風穩清江波不驚，扁舟載酒愜吟情。
醉眸恍訝長堤上人，在紅雲堆裏行。

乙卯七月既望泛舟於茶溪二首

幽壑崦巖別一天，高月白水光鮮。
吟哦不覺斗牛轉，笑擬風流坡老仙。

素月橫天夜氣清，滿江風露動吟情。
水波不起扁舟靜，兩岸

秋蟲相和鳴

木下驛開帆到牛渠二首

飽帆截浪下清流、兩岸却行奔不留、猶見漁村深樹裡、
殘花點點映孤舟

大河東走朝宗海、山壑割天絕陸分、舟到中流浩無際、唯
看落日吞紅雲

遊霞浦訪大輪坤齋賦呈

欲洗人間塵事煩、飄然來叩浦頭門、湖光入望茫無際、山
色環堂寂不喧、蘂圃花開香透坐、麥畦穗長綠侵園、主人
情款如兄弟、欽是故家刑典存

大輪氏客中偶成

不向山中覓芝朮、還將篔簹學漁樵、湖天暮雨涼如水、起
揭釣竿趁晚潮

霞浦晚望步坤齋韻

浩々蒼波接遠天、波凡光一望意悠然、須臾雲起而將至、萬頃
澄湖鎖暮烟

一字下

與柴田易簡大輪坤齋同艤舟於湖西觀高洲老松
蒼翁爵屈盤數十畝、形狀魁竒與尾上松相伯仲、蓋數百年
之物也、高洲為水府封內、昔者義公巡視之日、親臨為留
詠、藤翁來嗣君必臨觀、年賜乾鯪五十苞、金若干、以為培
養之資、保護極嚴、云此雖斯松特絕之所致、自非國侯愛
物之至、豈能然乎、觀賞之餘、賦一絕

長條巨幹幾蟠、訝見蒼虬出碧瀾、別有竈采恩意在、自
異秦政大夫宦、

四月十三日、泛舟於霞浦、

欲極壯觀、掉小舩、漱漫波浪與天連、詩難吟取、畫難到、後
坐唯驚光景鮮、

自霞浦到佐原、與大輪坤齊別、其子游吾門、故結及
之、

幽居不到世間塵、山色湖光皆絕綸、數世遺傳長起死、百
年真訣好回春、橘泉水馥知陰德、杏樹花開見活人、箕業
有人且休勞、預知他日聲譽新、

逆浪浦舟中望鹿嶋、

一水中分縱陸天、滿帆風力疾如箭、逆波浦上回頭望、萃
表蔚然曉日邊、

自息栖到銚子舟中書所見、

十里行程一息中、駛帆如矢逐便風、縱山常水行將盡、漱
波濤入碧空、

自銚子再到息栖舟中逢雨、

蘆荻洲中水鳥呼、青山綠樹望模糊、不憑米老經營手、畫
出江山風雨圖、

訪堀越長淳、

定知名下無虛士、一見驚君志氣剛、相值還悲相別速、何
時重更話心腸、

陪監察勅并君巡視北海十月十一日首途口號
煙霞成癖奈難醫瘦脚遙探北陸奇萬里雲山登路始霜
風吹拂白鬚眉

踰碓氷嶺

早晨戒徒御矛戟夾途連峻峻阪石破脚深谿樹吐泉嶺分
南北候雲壓信毛天絕頂日初霽衆山望轉妍

和堀使君瑤韻二首

戈戟森々冒曉霜旌旗飄颺映朝陽使君豈是貪探勝要
為國家瀝賢腸

宿弊銷除言路開廟堂選擇推良材如今急務重邊放言預
識從容畢事來

步韻堀使君信州坂本作

怪巖竒石結相持突兀岫峨低又歌尤愛懸崖峻絕處矮
松屈曲幾枝々

荒濱作用堀使君韻

宿雨初晴曉色開蕭疎冬景可詩材荒濱々上北風急萬
丈雪浪吹沫來

親不知

萬丈懸崖壓海濱狂濤拍岸步難支行人失魄躑躅過何
物呼來親不知

市振關

市振關外有蝦川二越分界于此

腥風撲面市振濱吹沫怒濤轟岸根山嶽接天劃村城關

門據險扼江津海鄉秋盡經行少峽驛冬來淒雨頻回首
西方沙路迥暮烟漠漠愁殺人

荒川

水勢汹々向海奔津頭驟雨欲傾盆行人兩岸爭呼渡暗
淡暝烟鎖渚村

白峯書所見

能州

吟筇幾屐寄遊蹤又冒晨風向白峯雲自峭崖幽岫起雪
連枯木老林封海波北圻明如鏡山脉西奔勢似竜畫
難摸詩不到唯驚勝景趁人鐘

七尾港訪安田元藏席上賦呈

邂逅相逢七尾干一言已覺客愁寬利名耻我風塵勞隱

志羨君身世安不用閑談具旨味唯欣交義展心肝燈前
難奈更籌促別後何時繼此歡

元藏見其嗣子賦贈

連城價未擬一顆掌中珠成器由磨琢勿教美質徒

福浦

一路長亭又短亭山村處盡接沙坳海門日落寒烟暗已
見漁篝上遠汀

宮津

九志度
在丹後

宮津城上雪初晴九志灣頭落照明海畔翹望腸欲斷故
園隔在白雲程

桶峽

錢馬驍兵勢若雷，尾候二砦乍成灰。誰畜一蹶覆宗社，絕自驕之一字來。

除夕宿三嶋驛

三冬跋涉幾山海，自詡壯心猶未灰。旅館邀春函嶺下，孤燈守歲三洲隈。賦詩轉恐鄉愁攪，把酒還遭客感催。屈指歸家已非遠，團栾好對椒花杯。

已未元旦踰函嶺

征衣冒曉向函關，韶景賺人步不難。駁駁海日升霞色，富峰雲斂雪光寒。若非除夕三洲宿，爭得諸奇一併觀。六百行程倦遊客，湖頭幾度照顏看。

次韻贈紀藩祭酒遠藤先生

儒流豪傑獨推翁，才學文章志氣雄。大度注洋善容衆，高論活潑欲生風。竜雲已獻安民策，魚水竊存報國忠。經世之書韜略籍，先醒兼唱詞壇中。

送富永晉二陪侯之阿州德洲城

前途一百七十程，無限風光逐步生。曉月暮雲添旅興，海波江水豁吟情。高才中選隨歸旆，絕技擢群馳美名。收拾山川多少景，新詩傾倒德洲城。

江樓

江邊半夜風聲咽，獨倚欄干襟如鐵。誰道三冬雨雪寒，滿樓明月寒於雪。

水仙花

水神中仙子矯風神翠黃冠冰雪身
桃李未開梅已老詞壇獨賞此花新

秋夜

江風山雨堅柴戶寂莫秋光亦絕奇
數聲蟋蟀三杯酒正是詩人得意時

夜渡真人津

獨立津頭呼艇頻荻蘆風冷透衣巾
千尋絕壁泉懸布万里長江浪剪銀
皓月橫空天似水白沙滿岸地如璘
俯仰顧眄無窮景併送詩情惱殺人

冬至

元陰漸極一陽回已覺乾坤暖意催
凍雲忽散不成雪半

夜簾織送雨來

題傷寒論

華陀獨識名空存張氏定方濟後昆
欲達回生起死妙請看一卷傷寒論

於晉書皇甫謐傳曰華陀存精於獨識仲景垂妙於定方

白雲嶺望于曲江

白雪嶺頭白雪無唯聞孤雁夕陽呼
宛然八月曲江景畫出瀟湘一幅圖

賀蘭汀岩田翁并及孀人

古來七十稱難臻况復交驩濟八旬
室婺流光霜髮展長庚騰耀頰顏春
賀賓獻壽頌歌沸孫子捧觴綵舞頻
逢個四方寧謚日陶然相對養天真

賀高田玄齡翁

大和養得幾星霜，神氣欽君老益強。一貫正傳鄒魯道，千金真訣炎黃方。回生功積杏林茂，起死名高橘生香。福善由來天所許，壽筭預識自無疆。

丁酉歲除有感

四時代謝似雲烟，坐對孤燈思悄然。事業堪慚無些子，利名場裏送年。

鷺鷥

頂上毵々白玉冠，霜衣雪髮立風灘。群捕魚兒前浦去，總作梨花一樣看。

和富星嶽韻乞酒

人情何處不相^同，再我俱欽劉李風。聞說君家新醪好，一壘分與玉缸中。

春雪

春來日々雨兼風，欵見雪花飄半空。薄暮天晴清若玉，呼妻命酒祝年豐。

病後試步

東皇傳信已經旬，病懶怯寒未^試春。欲借微醺向江上，出門總是觀花人。

東郊晚歸

風暖江堤斜酒旗，尋梅趁柳過苔磯。九分春色十分醉，步陶公踏月歸。

酬服部信卿見寄

衡門靜對吳門湄，深謝塵喧臥荒蕪。獨有知音諒跡懶，天邊寄來數篇詩。

何竺上人前住于越之桂澤山，顯稱弘布，辭院後週遊于四方，教導緇俗，蔚乎為曹洞大宗師。今年已冬，桂澤山有江湖舉，因今住持航公之請，將往領衆。匡徒九月下浣，率衲子數箇，發東都，余於上人不特同鄉貫，又辱為東道主人，契分最渥，臨別不能釋然。謹裁蕪詞，以送其行，二首。

秋風飄落葉，斜照映離顏。竹杖凌空去，木杯泛浪還。自知人世苦，徒慕法界間。只恨圓通閣，雲深不可攀。

又

欲將宝筏度迷津，雪笠雲裙甘苦辛。學後明心修已切，教由見性覺人諄。幾浮東海極沈溺，重向故山轉法輪。桂澤講堂弄鹿音，闔鄉俱仰兩花新。

恭奉頌贊東洞先生德業一首

張子法方吾道祖，著明親切愈岐軒。叔和自一為詮次，謾撰私說亂舊論。空理虛語誣往聖，妄譚浮說迷後昆。再來上下千餘歲，大義微言塞其原。遂使遺經為弃物，徒將古典附湮淪。世間元自具眼少，殘簡誰知真理存。獨有先生辨質偽，長教張子霽幽冤。術從實踐悟機變，學向活場開秘蘊。杏苑主盈才俊至，鑿林執柄名聲喧。明今誓古立鑿

極起死回生濟黎元，癯瘠再逢新歲月。沉疴重覩舊乾坤，
吾黨之士宜遵奉。先生教法無紛煩，就中要領人會否。
有個萬病一毒言。

臘月朔早發赴深作

曉風吹歇凍雲收，旭日曛。霜欲流，獨喜千林搖落盡，四
山無樹遮吟眸。

賀河本天爵再醮

風拂庭園草木摧，紗窗寂莫雪成堆。良工別有回春手，蕙
帳春花一朵開。

晚冬答人

橘子呈黃歲月移，個中恰好養吾痴。三餘事業君休笑，剽

竊之文模擬詩

歲晚書懷

客稀盡日掩柴關，小築寄棲塵冗間。歲晚蕭然無一事，獨
開舊稿手親刪。

寄懷北越何笠上人

化城鬱嶽插天閣，地菴長江勢欲吞。石徑雲低少人跡，祇
林雪合隔塵喧。法壇執麈驚頑禿，禪榻談玄壓蕪園。無復
高情蘓少翰，誰畱玉帶鎮山門。

步紀藩助教齋藤南溟投寄韻

珉珞韞櫝而藏諸，敢道雄豪氣未除。鑿學翻於經學得，世
機動令道機疎。羞將拙技人間售，且恐浮名身後虛。四壁

蕭然何所在一藁之藁兩函書

谷中歸路過不忍池書所見

孤杖行吟欲雪天眼前光景總堪憐
葉零深樹明斜日水瘦平湖淡晚烟
趁宿老僧入松逕台榭寒鳥下山巔
妙音臺畔倚欄見已放梅花數朵妍

環峰樓設困碁會戲賦呈上諸君

黑白相持對玉盤儀容恰如龍虎蟠
藏機不敢苟下手占地窺敵畧危安
石弩乍響音局中央西將拭眸屹相看
三軍整隊行伍嚴士卒交鋒鬪聲寒
乘虛勢如奔馬疾猜隙叢似鷲鳥搏
潛襲不虞蹙群醜幸脫始覺乾坤寬
孤石突直堅陣入一着能教頽壘完
縱橫變幻沸雲霧開闔旋轉生

波瀾握中攻伐走衛霍胸裡籌算走蕭韓
挺身歛肘互屏息竭智殫術呕心肝
衮衮誰論其優劣傍觀惟徒撫掌嘆百戰百勝誰得全
一敗塗地且莫謾君不見古來兩雄不并立
楚漢三國命有歸天下與與半枕夢輸贏何須問
是非竹院偷閑銷塵慮松窗排悶忘調餓
興興闌西奩各收子西山斜日送落暉

南惠迥執贄來見座間賦贈期其成立

歲月推遷不俟人放心常誤百年身為言
修業須勤勉莫以踈慵忝二親

中元

夜靜風清月影移滿庭露氣爽人宜一年無
賽中元節早

被誠齋着一詩

偶成

盡日冥冥暗草扉，杜茅聊酌破愁圍。
暮鐘未響天將夜，已見流螢和雨飛。

秋夜

月滿中庭風露清，玲瓏夜色欲三更。
樽罍客散吟窓寂，唯聽切切絡緯聲。

客中秋夜

青燈剪盡客心清，露滴茅檐月五更。
庭際吟蟲雲際雁，無情却作有情聲。

秋日遊東海禪寺

霜風染出小春天，幾樹山楓紅欲燃。
要觀朝昏色相變，移筇更立汝陽邊。

渡六江合

漾漾長江壓高岸，水光如玉勢如刀。
舟人容易回篙去，直向前頭截雪濤。

晚渡羽田津

枯陽飄落晚風高，嚙岸狂潮疾似刀。
舟到中流浩無際，滿江夕照燦銀濤。

登海晏寺

獨尋秋景上禪臺，香境蕭然面海開。
山邃絕無市塵到，地寒坐覺道心催。
千章楓樹紅飄錦，一路苔痕綠作堆。
佳興

欲歸歸不得，磴頭曳杖幾徘徊。

西郊散策

忙裡偷閑去，來探郊外秋。野花香撲鼻，霜葉爛驚眸。行樂忘塵慮，放歌遣悶愁。歸路夕陽好，更登賣酒樓。

述懷

分科別黨各奔競，多少英才爭著鞭。碌碌羞吾無伎術，街頭賣菓送年年。

新春

僅入新年意氣寬，椒樽十口共團圓。吟身後是還多事，要把春光收筆端。

春興興

一陣東風拂舊埃，新年景象望中回。日暄林苑鶯聲動，水暖池塘柳眼開。何處豪遊扶醉去，誰家橫吹破雲來。閑人別有閑人樂，日夕擬觀墨陀梅。

春日書所見

已逐太平春，又逢韶景新。鶯兒嬌弄舌，梅萼嬾開唇。風暖萌芳艸，冰消動潛鱗。春光趁日夕，直入百花辰。

醉後漫吟用前道

不逢翠靄紅霞春，爭見乾坤歲序新。解柳風併解池凍，潤梅雨兼潤鶯唇。酒杯照影驚華髮，感興傾囊斫錦鱗。回首虛過四十六，唯羞辜負右文辰。

荒井令子見和拙作，再用前韻謝答

逸氣稜々志學春，羨君藻思與年新。巨篇忽讀驚才力，高調將賔斂口唇。已卜後來奮鵬翼，預知他日輝竜鱗。聖朝令下求賢急，正是英雄展足辰。

雲梯孀人暮下作

滿山寂歷鎖愁雲，惆悵無何情緒紛。欲跪蒼苔薦香火，曉風吹雨遶孤墳。

大宮道中作二首

雨脚全收日脚回，春光十里興悠哉。蝶翎輕颺芳塘路，鶯語遙傳柳岸隈。山霧晴邊黛痕深，江烟散處鏡光開。孤村別有堪吟賞，籬落香翻幾樹梅。

山路雨過無点埃，晴光如畫入觀來。菜畦幻出黃金畝，麥隴粧成碧浪堆。垂柳徐牽芳草舞，嬌梅暗逐晚梅開。三春風景今為最好，駐吟筇且舉杯。

川越道中作二首

已破江城霧重穿，山逕風郊原訝無際。遠樹疑連空，晨景幽堪掬。詩情興不窮，東方雲未拆。十里伴吟蟲。

又

冷徹衣襟夢初回，轎窗覩見宿雲開。林峦現處天將白，早已棲鴉報曉來。

晚憇大井村

從人山中路，月光異世間。霞烘欲紅樹，雲瘞半皴山。虫韻鳴渠適鳥聲，慰我間一盃。村店酒落日，照朱顏。

歸路

雨雲收迹霽光融，三面好山一望中。
草徑花開秋似錦，吹薰盡日輿窓風。

雨霽峰峦淨，雲收草樹明。莫言泥路惡，秋色有餘清。

橫田氏典沼田一齊話席間賦贈二首

雄談不覺漏籌傾，擊節驚君執業明。
此會堪欣又堪感，何時重更話衷情。

詞客騷人行處逢，爭如同道討論濃。
剪燈猶恨冬宵短，已報朝山半夜鐘。

秋山放目

天霽夙和暖似春，况逢霜後物候新。
巒林一樣裁紅日，獨

領秋光為主人

黑田素行宅與小林淺田諸子同飲二首

酣暢祇應餓我真，俯仰何用浪隨人。
醉鄉別有乾坤在，不着世間一點塵。

慷慨話心話，發真傍人莫道若無人。
此間不許常談攬，要洗胸中萬斛塵。

深作道中

山路迢迢行客稀，日沉遠嶺望霏微。
筇椿獨立溪橋上，滿目蕭蕭一雁飛。

和黑田素行淺田栗園墨陀賞雪之韻

勝遊非向俗人誇，乘興要觀六出花。
高士襟懷誰識得，悠

然載酒泛仙槎

大江斜割二州通，波浪洶涌欲拍空。酣醉^醉不知寒透骨，風

飄烏帽雪纏躬。

圖畫難模詩不能，舷頭幾度呵毫^毫。憑漁人不解風光好，漫

逐晚晴卜釣罾。

寒鴉點、遶林鳴，聳立吟肩更怙情。函賞未酣日將晚，金

龍已報暮鐘聲。

公子墳前落日寒，玻璃一道碧潺湲。富峰築嶽清如玉，起

揭蓬窓着意看。

真崎津畔白鷗飛，回棹初知前景非。雪色玲瓏相映射^射，醉

眸恍訝月中歸。

終日陰晴幾變更，歸程漸覺水波平。壯觀畢向毫端歛，驚

見篇、與雪清。

乙巳歲晚

四十已余七，五旬僅缺三。不憂世途苦，唯覺聖經甘。拙枝

堪糊口，清貧何足慙。陶然一杯酒，展卷坐茅庵。

丙午新春感興二首

青帝傳令春色回，滿城祥氣望佳裁。東風徐捲街塵去，遲

日暖醒柳睡來。舌滑鶯聲催着句，花妍梅影落銜杯。眼着

淑景皆詩料，握管羞無吐鳳才。

佗鄉亦復遇春回，春興感懷愈切哉。窮景全隨曉鐘去，新

陽偏逐惠風來。啼鶯有意牽遊屐，華髮無情照酒杯。屈指

百年猶未半，勉為將欲竭。吾才

黑田素行，淺田栗園見訪。

鼎坐開樽酒，談笑素懷披。誰識個中味，唯有三人知。

正月廿日，雪至暮而雨。

特地狂風起，飄然捲雪舞。春光斂跡寒，色滿寰宇。日午凍威折，晚來暖氣鼓。不成六出花，竟作千鎗雨。

仲秋無月

欲會詩盈賞，佳辰海風吹。面撼庭筠終宵不見，姮娥影閉却樓。登望人

再至川越途中書所見

山烟水霧曉濛濛，前度紅林感作空。獨駛寒村孤店畔，茶

梅花發立霜風

歲晚偶成

一個奚囊活計輕，不須奔竟謀浮榮。半生過了成何事，占得長安賣藥名。

赴三春路上口號

宿雨初晴曉日暄，一行相賀出都門。郊外風光真耐喜，菜花麥壠接村。

途中作

毛山奧水幾十程，朝來更喜值新晴。村醪不說酸甜味，野店唸詩信手傾。

腸澤驛小憩

沿水緣山路不平，斜風細雨惱人行。寒鄉始駛春光晚，園見櫻花林聽鶯。

三春途中二首

且把桑榆日，猶為百里行。他鄉風物改，客枕夢魂驚。途險廿三坂，望迥三春城。村醪莫道薄，尚足慰愁情。

又

水繞山奔山壓水，危橋石徑幾崑崙。將何比得眼前景，恰展雲林畫幅來。

川又氏南園觀牡丹

檻前茸茸草苔青，數種牡丹占一庭。尤愛午天過雨後，枝留露映簾屏。

過白川有感，擬原景時詠

雲淡奧山望欲迷，白川城外子規啼。關門故地今何處，綠樹薰風送馬蹄。

三春早發

石坡重，路絕通溪雲深鎖曉曠。始知脚底有人住，幾處鷄聲烟樹中。

白坂明神

一巖分割兩州天，毛奧氣候覺判然。輪奐古廟千歲在，櫻

題二十三坂

荒蹊屈曲沿溪灣，深樹斷橋水風寒。自笑歸程似征地，看


山却訝是何山

連二十三

...

明治二己巳季冬於苟完室南窓下寫終之

右敵雲詩稿一卷借和田文仲氏謄寫一本栴架上



明治壬午己丑第月有六夜一閣過了此日雨

白峰學人岡直義夫



學思齋詩稿終

明治廿五年戊子第月有四夜門下大中筆古書寫之了

